

藏春集序



易曰觀乎天文以察時變觀乎人文以化成天下大哉
文乎在天為日月之著明雲漢之昭回星辰之錯綜在
人為三綱五常之道禮樂刑政之方典章法度之美文
乎文乎章句云乎哉太傅文貞公學參天人思周變通
早慕空寂脫棄世務一旦遭際聖主運應風雲契同魚
水有若留侯規畫以與漢業召公相宅以營都邑叔孫
奉常綿蕝以定朝儀陸賈詩書之語賈生仁義之說當
雲霾草昧之世天開地闢贊成文明之治其謚曰文不

亦宜乎至于裁雲鏤月之章陽春白雪之曲在公乃為
餘事公歿後十有四年是集始行于世夫人竇氏暨其
子璋介翰林待制王之綱求為叙引晚生愚陋誠不足
知公萬一姑以時論所同然者附諸編末云正元丁亥
四月初吉翰林學士太中大夫知制誥司修國史閻復

參知政事左山商挺孟卿集

處州知府瀛海馬偉廷彥校

藏春集卷第一

目錄

七言律詩

溪山晚興

帳中

閑中

讀諸葛傳

讀書

秋懷

小齋

齋

蝸舍閑適三首

嘗雲芝茶

試高麗茶

江邊晚望

醉後

讀遺古詩

堤畔二首

夢覺偶成

嶺北道中

行中

慚愧

守常二首

論交

春晚還山

秋夜

山家

春閑遣興

閑况四首

秋夜飲

自然

漫興

醒來

客散

別張平章仲一

吟詩

有感

適意

自平

對鏡

適情

自勉

接輿狂歌

秋感

寡合

不同

古今

憑高

觀豪

對酒

西蕃道中

烏蠻道中

烏蠻

過白蠻

南詔

下南詔

滅高國主

滿坦北邊

九日滿坦山

驢湫道中

玷食山前

烏蠻江上

江上寄別

江邊梅樹

過梅戶

過玲瓏山

山寺

峽西

雲南北谷

鶴州南川

過鶴州

春閑

閑淡

秋懷

秋夜有感

夏日遣懷

客中

將歸見雁

西州客中

黃河

冬夜飲南京酒

答崔夢臣

寄馮世昌三首

呈金一菴主

呈南菴友人

春日效宮體二首

看書

習字

和林道中

禁中

蜀先主孔明

跋李白舟中醉臥圖

跋李太白醉歸圖

太白還山圖

孤雲

仙客

憶鬪頭王先生

憶竇侍講先生

途中寄張平章仲一

呈焦尚書仲益

寄津長老

憶顏仲復

藏春集卷第一

七言律詩

溪山晚興

楚山臨水適幽情無意成詩詩自成秋雨滴殘秋草暗
晚雲收盡晚風清漁舟散去橫烟靄樵擔歸來踏月明
是樹有枝堪架足南飛烏鵲莫多驚

帳中

四句已過五句數髮際青絲間白絲萬慮因心成底事

元

劉秉忠

著

一閒安分在何時自知量小難禁酒人笑才疎強賦詩
愜意數篇真可老採殘百艸得靈芝

閒中

兩字功名千萬峯紅塵遮斷海西東碧梧直幹終棲鳳
綠竹虚心盡化龍明處細曾推物理昧時多錯怨天公
年來頗得閒中樂世路區區夢也慵

讀諸葛傳

賢聖隨時出處同道存元不計窮通一番天地鴻濛後
千載君臣草昧中玄德必咨當世事孔明良有古人風

長才自獻成何用三顧還酬莫大功

讀書

畫餅功名抵死圖何如茅舍_{閑散}得看書衣冠三代凋零後
經傳一秦灰燼餘梧葉打窗秋院靜松梢轉月夜堂_窓虛
又開黃卷青燈下坐進人間駟馬車

秋懷

昨夜西風撼綠荷芙蓉凋盡奈秋何歸心又落賓鴻後
別緒還隨夜雨多客氣有時難制伏官身無事亦蹉跎
近來只賴杯中物醉到半敲方浩歌

小齋

小齋香火結閑緣
鍾鼎山林各自天
世事省來都合道
凡心消去不須禪
一庭花發青春裡
七字詩成白酒邊
醉倒未嘗知早晚
客來長怪日高眠

齋中

芝蘭玉樹映風前
白日青泉翠靄邊
照世聖經明似鏡
通方古道直如絃
立心無罔益
當爾處事有成皆偶然
求彼不如求在我
一檠燈火對殘編

蝸舍閑適三首

今古無窮歲月流
山林鼎篆自悠悠
意還本分易爲足
事不自然難免憂
奪得鳳池終犯手
構成蝸舍且抽頭
南窻盡日消閑在
細聽華公說四休

畫戟朱門將相家
山間一室息紛譁
素餐得飽那思食
薄酒消愁宛勝茶
就裡靜爲真受用
到頭閑是好生涯
此身久置功名外
萬里封侯任彼誇

半世勞生天地間
千金易得一安難
庭前松菊成閑趣
軒外雲山得臥看
光滿此霄宵逢知好月
香來何處有幽蘭
橫琴消盡塵中慮
一曲秋風對月彈

嘗雲芝茶

鐵色黼皮帶老霜含英咀美入詩腸舌根未得天真味
鼻管先通聖妙香海上精華難品第江南葉木屬尋常
待將膚湊浸微汗毛骨生風六月涼

試高麗茶

含味芳英久久始真咀迴微澁得甘津萃成海上三峯秀
奪得江南百苑春香襲芝蘭開竅氣清揮冰雪爽精神
平生塵慮消融後餘韻駸駸正可人

江邊晚望

沙白江青夕照紅滄波老樹動秋風天光與水渾相似
山面如人了不同千古周郎餘事業一時曹操謾英雄
東南幾許繁華地長在元戎指畫中

醉後

清明天氣賞花時桃李風前酒一卮夢獨不成春草句
閑多記得古人詩倦將碎事然心火笑被虛名惱鬢絲
惟有醉鄉同大化從他物理自參差

讀遺古詩

人沒詩存重與看芳馨安死幹比芝蘭生前富貴雖由命

身後文章足可觀，蜀錦絲頭從此細。
巴歌韻脚自來寬，未言一曲無人和。
傳者幾希作者難。

堤畔二首

金沙堤畔柳絲垂，燕往鶯來蜂蝶隨。
爛熳一春花發早，飄零萬里雁歸遲。
閑來于物少相礙，行處與時多背馳。
九樹野桃開未了，東風無力賴誰吹。
穿林涉水陟崔嵬，塞北雲南轉一迴。
詩句漫隨秋色淡，夢魂長被鼓聲催。
蝸房小小權書舍，馬鬣清清當酒杯。
門外衆人忙似火，几前獨坐冷如灰。

夢覺偶成

秋菊春蘭醉眼中，紛紛紅碧不堪窮。
鄭玄李白從玄白，馬异盧同果异同。
豈有功名歸監子，枉將文字困英雄。
鳥聲喚覺南窗夢，撲簌桃花墮晚風。

嶺北道中

雨霽輕烟鎖翠嵐，五風殘月照征驂。
王戈定指何方去，天意仍交吾輩參。
霸氣堂堂在西北，長庚明明照東南。
江山如舊年年換，誰把功名入笑談。

行中

一夜輕霜塞艸愁，關山慘淡又成秋。
西飛白日繩難繫，東去黃河海自收。
節序催人無處避，生涯隨分不須求。
長歌短吹行程裡，心逸身忙百事休。

慚愧

紫庭仙客駕飛鸞，多少雲霄著眼看。
靖節琴書于世淡，元龍湖海爲誰寬。
小詩吟罷仍須和，長鋏歸來不必彈。
門外黃塵數千丈，窮廬慚愧一年安。

守常二首

得失紛紛不必窮，一鳴一息古今同。
韓侯假印元無命，

李廣祈封未有功。世事百年魂夢裡，
人生幾日笑談中。朝三暮四相狙戲，
識破從前賦芋翁。

熏天富貴等浮雲，流水年光夢裡身。
但著眼觀皆外物，不開口笑是癡人。
歌臺買酒閒消日，醉帽簪花老弄春。
燕燕鶯鶯莫相戲，渠應未識此心真。

論交

山前春色夢中殘，鏡裡秋霜鬢際繁。
處世美人能辦事，論交愧我未忘言。
蒼梧雲氣時時變，赤壁波濤日日翻。
誰解立心如砥柱，百湍衝激只依元。

春晚還山

人生無計免風埃，漠北江南鴈往來。
萬木何曾秋未老，百花爭向煖俱開。
未能乞食尋歌院，要想遊山到嘯臺。
明月滿庭閑杖履，翠烟惹偏綠紋苔。

秋夜

讀書懷古掩重局，上世淳風在典型。
儀鳳作歌猶有道，感麟絕筆再無經。
明星墮地曾爲石，腐艸逢秋也化螢。
殿閣參橫月斜落，夜寒書舍一燈明。

山家

翠微深崦遁肥家，占斷安閒閱物華。
不但愛詩仍愛酒，何妨栽竹更栽花。
固知天命原無間，還信人生各有涯。
華屋山丘都是夢，且圖沉醉卧烟霞。

春閑遣興

自任張衡說四愁，不令一點上眉頭。
是非海裏有何論，名利場中無所求。
掃睡擬將茶作筭，釣詩須著酒爲鉤。
春風吹綠山前艸，盡日攜壺勝處遊。

閑況四首

車馬長安蕩路塵，商山一曲紫芝新。
林泉誰伴隱君子，

雲月自歸閑主人蝴蝶日長莊叟夢鴛央沙暖杜陵春
汨羅江上獨醒客空感秋風撼白蘋

一理未明常曖昧七情能節自冲和孟軻求已行時簡
顏子齋心樂處多修禊水邊群客會舞雩風裡一僧歌
沙汀日煖春烟淡無數閒鷗沒浩波

閑中日月讀書舍醉裏乾坤沽酒樓金滿千簞遺子患
官高一品替人愁于身道理行須記隨分生涯過即休
看取飄飄無繫纜烟波江上一虛舟

山有嵐光水有聲得閑便是大功名彼長自然覺此爲短

我重未知人所輕幾樹好花風乍靜一鉤新月雨初晴
此心只合長無事莫爲人間寵辱驚

秋夜飲

葉打銀床謝井梧芰荷池沼半成枯青山阻興長千里
白酒消愁只一壺日暮西風吹過雁夜涼明月照驚鳥
黃花籬落秋香裡醉倒淵明不要扶

自然

名利場中散誕仙只將吟樂度流年酒逢知己心方醉
詩到收功意更圓碧水悠悠入東海白雲曳曳上賓天

但能直往無凝滯不自然時也自然

漫興

春風吹入客中懷帶氣愁眉總散開誰慕蘭馨將作佩
自慚樗散不成材詩吟百首興猶在酒飲兩杯春已來
累土豈如平地穩當年浪築九層臺

醒來

尺蠖微蟲解屈伸人生何用兩眉顰前前後後都爲夢
是是非非總未真已幸有書消永日豈堪無酒度芳春
東風院落花梢上午醉醒來月色新

客散

南山秋色氣相高肥馬輕裘盡俊豪載笑載歌誰得意
相趨相奉總成勞塗中易曳靈龜尾池上難尋彩鳳毛
自覺不堪仍不可嵇康未欲絕山濤

別張平章仲一

四旬未老頭先白可笑區區紙上名張翰且休歸故里
謝安應不負蒼生窮通此際難開口離合中年易動情
恨殺溪流與山色天南地北送人行

吟詩

七情荒逸難追雅六義紛紛始到騷句穩先須辨長短
字工端要定推敲言非精當功應少意不包含氣漫高
出手若能圓似彈千迴萬轉任吟嘲

有感

大道荒蕪沒艸萊一回翹首一回哀論文須謂可方可
言志豈拘才不才美錦幾時無善製好花隨季有新開
風人耗物咸騷雅未必初心在物來

適意

靜裏乾坤醉裏仙閑愁不到兩眉邊堂中立足有餘地

井裏舉頭無大天淺酌酒杯消永日細開書卷度流年
霸陵橋下長安道自在諸公鬪著鞭

自平

翰情盡意尚難行尚利如何不致爭未解塞將他意滿
但宜持得自心平溪聲遠作千年調山色高移萬古情
自向書中識天爵已當克處漸能輕

對鏡

鏡中人向鏡邊羞有底功名早白頭識字豈知爲物忌
讀書空想解民憂星疎月朗元非晝老木蒼波宛是秋

千古五湖高興在秋風不管未歸舟

適情

鵲^猿喜舉枝鶴咏苔能閑能宦各天才北山逋客攜琴去
南隴幽人策杖來莫看鳳鸞棲枳棘任他斥鷃笑蒿萊
據床三弄桓伊笛豈愧孫登有嘯臺

自勉

鏡裏流年髮漸皤殷勤學道慕^莫蹉跎黃金斷要經燒煉
白壁元曾受琢磨能自處心終始一任他開口是非多
常如織女機頭錦每日須教進幾梭

接輿狂歌

唐虞風化尚真純天懷^壤熙熙萬物春三代盛時存此道
六經今日付何人狂歌楚叟能知鳳絕筆宣尼自感麟
滄海波光泰山色漫勞平地起纖塵

秋感

流光漸漸日相拋鏡裏斑斑見二毛世事短長量不定
人生趨舍哂徒勞雁翻夜月還三楚鶴駕秋風戾九臯
獨有紫庭閑散客碧雲哦罷讀離騷

寡合

平生寡合嬾拘牽，獨自看雲獨自眠。
伐木反逢多齟齬，散花人至短因緣。
長教身類沾泥絮，贏得心如出水蓮。
詩卷兩牛拖不動，囊中那有救頭錢。

不同

高樓百尺臥元龍，問舍求田那得同。
孟子臧倉譏禮義，使君曹操識英雄。
鷓鴣不過一枝木，騏驥更追千里風。
莫向華山陳老說，睡魂不在是非中。

古今

道存南北馬牛風，古往今來了不同。
彼在古時諸事遂

我生今日百憂逢，趙高漫指鹿爲馬。
李賀不羞蛇作龍，太華山前一樽酒。
放開醉眼看蓮峰。

憑高

憑高四顧入無窮，萬物云云見此容。
世事醯鷄深甕裏，人身稊米太倉中。
漫漫流地海無岸，落落倚空山有峰。

一個肚皮都著了，更教誰去號天公。

觀豪

富貴繁華得幾秋，生存華屋老山丘。
謝安攜妓東山醉，李白騎鯨北海遊。
水冷魚龍俱漠漠，天長魚雁亦悠悠。

求田問舍麤踈倒慚愧陳家百尺樓

對酒

浮世人生七十強憂愁朝少半相妨騷中不奈靈均苦
酒裏從來太白狂歌後清聲自嘹亮舞來長袖任郎當
狂將世務閑拘檢杯卷東風醉一場

西蕃道中

鞍馬生平四遠遊又經絕域入蠻陬荒寒風土人皆愴
險惡關山鳥亦愁天地春秋幾行雁江湖今古一扁舟
功名到底花梢露何事區區不自由

烏蠻道中

稠林夾路寇依違彪騎單行壓衆威重勸小心防暗箭
深知老将識兵機風號日落江聲遠山鎖寒烟樹葉稀
鸚鵡喧啾似雅雀百千都作一群飛

烏蠻

華夷圖始豈虛傳經過分明在目前日月照開諸國土
乾坤包著幾山川曾聞仙闕多官府足信人寰有洞天
萬木歲寒青不落喬松古柏想長年

過白蠻

脊背滄江南對山兵踰北險更無難投亡置死雖能勝
履薄臨深未敢安赳赳一夫當入路蕭蕭萬馬到征鞍
已升虛邑如平地應不諸蠻似激湍

南詔

半生鞍馬苦勞形鬢影難求曉鏡青萬里又征南詔國
九霄還識老人星直將日月銷書帙更假雲山作畫屏
湍地干戈雖有酒不能長醉似劉伶

下南詔

天王號令迅如雷百里長城四合圍虎尾關前見作戲

虎賁陣上象驚威聞疆弧矢無人敵空壁蠻酋何處歸
南詔江山皆我有新民日月再光輝

滅高國主

事君忠義子孫憂莽操源長得遠流折足鼎空公餽覆
剖心人若鬼魂仇青山不管廢興事白酒能消今古愁
願戢干戈息征伐歸期先卜兩眉頭

湍坦北邊

神機恍惚統鴉兵韜略閑文豈足憑風急旌旗高捲日
夜長刁斗寂無聲陣雲垂作中軍幕螢火點成元夜燈

萬里封侯男子事定誰唾手取功名

九月滿坦山

凌雲氣節鬢驚秋書劍荒寒事遠游萬里嵐光乘馬背
一川紅葉上鰲頭西風不管參軍帽絕塞空凋李子裘
誰把茱萸念行役憑高拭目望神州

驢湫道中

山水凝泥踏有聲北風摧發更南征一旂颭颭山邊過
萬里彭彭鼓上行幾復回頭迷故國再堪屈指數前程
鳳凰望斷麒麟絕空想簫韶奏太平

玷食山前

陰雲濃淡水洄環颭颭旂旂濕未乾慣熟人情生處樂
崎嶇世路古來難一川野艸霜前死萬樹西風雨後寒
遙想家園未搖落不能容易報平安

烏蠻江上

一泓碧玉垂天影萬丈丹梯壯地形世路不能平險阻
人生還得免飄零月娥無語照吟坐河伯有聲呼醉醒
明日烏蠻厲行投又攀參角上青冥

江上寄別

軍中無酒慰飄零，辜負沙頭雙玉瓶。
鞍馬幾年南北路，關河千古短長亭。
好風到枕客愁破，殘月入簾歸夢醒。
夢斷故山人不見，曉來江上數峰青。

江邊梅樹

江邊繚繞惜芳叢，絕筆天真在眼中。
素艷乍開珠蒂蕾，暗香微度玉玲瓏。
一枝倒影斜斜月，滿樹浮光細細風。
明日行經山下路，幾回特地駐青驄。

過梅

龍角東昂斗柄迴，春風無恙遠人歸。
干戈絕擾程程酒

景色堪憐戶戶梅，瀾瀾波寒渾懶戲鴛鴦。
沙煖不驚飛青雲出岫緣，何事馬上詩成雨莫催。

過玲瓏山

世外徒聞說洞天，桃源迷路再無緣。
摩青硯石誰能鑿，綉白玲瓏自可穿。
別有一壺藏日月，正堪萬竅吐雲烟。
勞生得遇崆峒客，煉訣還丹問隱仙。

山寺

樓花堆白麥苗青，山寺南頭帳玉停。
流水縱橫成篆字，遠山前後簇圍屏。
漢唐浩瀚開疆土，蠻貊依稀任典刑。

士庶何曾避戎馬總知仁主惜生靈

陝西

鱗層竹屋倚岩阿是歲秋成粳稻多遠障屏橫開戶牖
細泉磴引上坡陀民人各得安家住辭氣總如平日和
箪食壺漿迎馬首湯征元不弄干戈

雲南北谷

征鼙震作旅魂驚直入雲南谷口行一水循環通地脈
四山連避壯天城兵還失律難依險國既無人立可平
馬援班師銅柱在誰知兜戲得功名

鶴州南川

閑情平日愜林丘不意南來得此遊遠近樹分山嶂列
縱橫水入稻畦流一川風物撩詩興滿地干戈破客愁
回首斜陽在喬木獨憐幽境更遲留

過鶴州

千山險阻此川平未審州何鶴得名綠水洄環澆萬壠
黃塵隱約認孤城田疇傍舍存恒產兵火誰家得樂生
伐罪令行原不殺遠蠻歸服感仁聲

春閑

儘向青霄駕彩鸞
鶴先得一枝安
詩書况味閑偏穩
歌酒情懷醉愈寬
時雨荒山添潤澤
春風野水動波瀾
玄都觀裏桃花放
應得劉郎醒後看

閑淡

閑淡功成百事休
秋風生計任蕭颼
客攜酒至須轟飲
人寄詩來愧懶酬
碌碌無才甘自滯
栖栖有道果誰求
平途款段猶多蹶
歷塊輸他紫燕驅

秋懷

梧桐殘翠落成堆
燕去鴻來秋社催
刺眼不須翻著襪

放懷且好右持杯
空階寒雨滴愁盡
高枕曉風吹夢回
咫尺登高是重九
黃花更酌醉金罍

秋夜有感

竹影斜斜轉月輝
西風颯颯透征衣
菊殘愛菊人空感
家遠思家客未歸
戰馬頻嘶秋正健
驚鳥無睡夜猶飛
幾時一榻南窗下
不見黃塵老翠微

夏日遣懷

拏雲心事倚樓邊
鏡裏星星過少年
學步誰知翻失故
效顰應笑不成妍
詩書騷雅唐新變
字體風流晉舊傳

吟寫總爲閑伎倆且將消遣日長天

客中

人間機事細如麻落魄身心到處家無筭掃清堂下地
有書遮靜眼前花兩杯粉潑貓頭笋一碗醉烹雀舌茶
只此一朝公事畢焚香高枕臥烟霞

將歸見雁

一則沙院白帳房數朝棲止李君堂轉逢蓬世路身渾懶
趁食人間口尚忙百變浮雲隨物態千迴流水轉年光
山城欲問春消息淡淡長空見雁行

西州客中

蕙帳空閑客塞城猿驚鶴怨可憐生風雲遠際千年會
天地中含萬古情總指青山作歸計直將白髮換虛名
向誰得遂求田意樓上元龍氣未平

黃河

萬仞崑崙頂上頭頽然委質下林丘九隨地勢曲千里
一返天源經百州積石西邊才北轉水行山南下已東流
橫勻一線穿滄海直接銀河浸斗牛

冬夜飲南京酒

煨開琥珀明黃色散作薔薇軟細香歡伯情懷渾易見
麩生風味實難忘一尊儘可消塵慮萬事何能到醉鄉
盡道三冬無暖氣誰知春色此中藏

荅崔夢臣

青春去却再難尋白髮還從鬢際侵顧我百年成幾事
得人一語勝千金佳賓久望孫弘閣早稼專祈傅說霖
此意朱弦但聊復不能聲處有知音

寄馮世昌 三首

大中爲體用時中酌古宜今道可通臨事若私先有礙

立心非正後無功在天何問但存義進我無疑當効忠
有所不行須自反爭如桃李待春風

心差利害一毫間誰肯尋思擴四端人事要于多裏煉
物情宜向靜中觀止時休恨窠巢窄行處須開路徑寬
天道好還冬對夏爲仁由己意非難

君子隨時出處同廟堂籌畫馭英雄文經武緯通今古
玉振金聲貫始終諸葛葛亮岡頭千壠月嚴陵波上一絲風
自從兩漢分三國青史書誰第一功

呈銓一菴主

百結千圍繫物繩古根今種未忘情莊周一夢花間蝶
圓澤三生石上僧詩有仙風拋世網酒藏奇計破愁城
放他少室山頭月代祖留傳不盡燈

呈南庵友人

一篋詩書三尺琴忘懷鍾鼎入山林聖賢處世常存道
男子遭時始見心嗅殺芳蘭無惡氣聽殘流水只清音
虛名肉味從來薄况復聞韶歲月深

春日效宮體二首

雨洗芳塵絕點埃桃花零落海棠開沉香亭小圍紅樹

太液池清映綠苔夜月也曾懸漢殿朝雲何只在陽臺
六宮簾捲東風軟一派仙音翠輦來
婀娜腰肢窈窕娘雲鬟千尺鬪新粧曾憐歌舞留香閣
乍學笙簫入洞房禁苑春來花競放閑堦雨霽燕爭忙
長生殿裏明皇醉夢斷華胥白日長

看書

香焚銅鼎翠烟盤無意安心却自安一語終身莫能踐
九經盡日若為堪看流行似水那云易習慣如天不覺難
大地含章秉元氣木生松柏草芝蘭

習字

硯水冰清墨細研
紫毫深蘸拭華箋
始從大裏收來小
復自方中畫作圓
鋒隱豹眠千嶂
霧勢雄龍躍九重
天鸞飛鳳立難窮
變要把王顏得處傳

和林道中

扶桑日曉雨初收
襟袖涼生六月秋
兩壁雲山夾行客
一川烟草看飛騮
玄車軋軋長轟耳
白帳連連不斷頭
宮闕上橫龍虎氣
和林遙見帝王州

禁中

帳中書帙案頭存
火禁炎炎不出門
難爲蒼生濟飢渴
漫搜詩句廢晨昏
銜珠報德成勞想
衣錦還鄉莫浪論
時止時行吾不強
笑他楚些作招魂

蜀先主孔明

智涉圖深往事非
茅廬一論定真依
風雲龍虎隨時有
魚水君臣自古稀
月炤錦江翻夜色
烟波玉壘動朝暉
精英不死青天上
留得文章奉紫微

跋李白舟中醉臥圖

仙籍標名世不收
錦袍當在酒家樓
水天上下兩輪月

吳越經過一葉舟壺內乾坤無晝夜江邊花草自春秋
浮雲能蔽長安日萬事紛紛一醉休

跋李太白醉歸圖

五斗先生未解醒一生愛酒不曾醒人間詞翰傳名字
天上星辰萃性靈雁帶煖回波泛綠燕銜春至草抽青
紗巾醉岼南山道幾處哦詩補畫屏

太白還山圖

一片靈臺照世明共傳太白是元精心中有道時時樂
眼底無塵物物清千首未知詩作癖百杯尋與酒為盟

長安多少風和月不盡先生吟醉情

孤雲

觸石初興一寸微漸張鵬翼赴天池無心出岫何憂累
有象懸空不礙飛斜日只期風送遠枯苗還怪雨來遲
曾同李愿棲盤谷應是從龍忘了歸

仙客

骨青髓綠紫霞腮玉府真遊出世才眼裡方瞳萃神秀
胸中明鏡絕塵埃風生嵩嶽三花樹月浸瑤池七寶臺
夜半朝元初飲散醉飛星馭到蓬萊

憶鬪頭王先生

玉京金闕五雲間，月滿瓊樓十二欄。
仙子已隨鸞馭去，世人空想鶴書還。
喚回石上三生夢，燒盡爐中九轉丹。
別後幽懷渺何許，悵然滄海隔蓬山。

憶竇侍講先生

煖到沙陀雪已殘，春光猶惜照衣冠。
旋酬世事心渾懶，不見幽人眼益寒。
明月只于圓處缺，佳期常向易中難。
相思一日三千里，欲學忘情自未安。

途中寄張平章仲一

觸熱從軍數載還，高家書記到何官。
道存賢聖行藏裏，人在乾坤動靜閒。
為善不圖垂報德，濟時寧畏涉艱難。
惟君胸次明如鏡，照我區區兩鬢斑。

呈焦尚書仲益

道義猶難輔友生，可將名字競時名。
為人當有往還理，所事豈無憎愛情。
棊上高低誰計較，鏡中妍醜自分明。
泰山多少閑堆阜，滄海漫漫一望平。

寄津長老

雲溪側畔竹林邊，未塞平生未了緣。
詩裏久懷方外士

酒前猶伴飲中仙真經縱暇開金卷難字還慵檢玉篇
槐火石泉烹雪蘂阿師此夢共誰圓師許傳韻法故及之

憶顏仲復

滿坐春風笑語生客中長記在家情赤心豈沒新朋友
白髮難忘舊弟兄夜雨正令人百感秋窻忽放月孤明
禪房花木通幽處水遠山長夢不成

庚辰四月初七日依天順本校 汲井記

藏春集卷第一